



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀ

« 15 » սեպտեմբերի 2019թ.

№ 102-Ն

Հ Ր Ա Մ Ա Ն

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ
ՀԱՇՎԵՏՎՈՒԹՅԱՆ ՕՐԻՆԱԿԵԼԻ ՁԵՎԸ, ԼՐԱՑՄԱՆ, ՀՐԱՊԱՐԱԿՄԱՆ ԵՎ
ՆԵՐԿԱՅԱՑՄԱՆ ԿԱՐԳԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՆԱԽԱԳԱՀԻ 2018 ԹՎԱԿԱՆԻ ՓԵՏՐՎԱՐԻ 13-Ի ԹԻՎ 59-Ն ՀՐԱՄԱՆՆ ՈՒԺԸ
ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հիմք ընդունելով «Հասարակական կազմակերպությունների մասին» օրենքի 24-րդ հոդվածը, «Նորմատիվ իրավական ակտերի մասին» օրենքի 34-րդ հոդվածի 1-ին մասը, Հայաստանի Հանրապետության վարչապետի 2018 թվականի հունիսի 11-ի թիվ 702-Լ որոշմամբ հաստատված՝ Հայաստանի Հանրապետության պետական եկամուտների կոմիտեի կանոնադրության 17-րդ կետի 14-րդ ենթակետը՝

Հ Ր Ա Մ Ա Յ ՈՒ Մ Ե Մ՝

1. Հաստատել «Հասարակական կազմակերպությունների գործունեության հաշվետվության օրինակելի ձևը»՝ համաձայն N1 հավելվածի:
2. Հաստատել «Հասարակական կազմակերպությունների գործունեության հաշվետվության լրացման կարգը»՝ համաձայն N2 հավելվածի:
3. Հաստատել «Հասարակական կազմակերպությունների գործունեության հաշվետվության հրապարակման և ներկայացման կարգը»՝ համաձայն N3 հավելվածի:

4. Ուժը կորցրած ճանաչել Հայաստանի Հանրապետության կառավարությանն առընթեր պետական եկամուտների կոմիտեի նախագահի 2018 թվականի փետրվարի 13-ի «Հասարակական կազմակերպությունների գործունեության հաշվետվության օրինակելի ձևը, լրացման կարգը, հաշվետվության հրապարակման և Հայաստանի Հանրապետության կառավարությանն առընթեր պետական եկամուտների կոմիտե ներկայացման կարգը հաստատելու մասին» թիվ 59-Ն հրամանը:

5. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:



ԴԱՎԻԹ ԱՆԱՆՅԱՆ

Օրինակելի ձև

**ՀԱՍԱՐԱԿԱԿԱՆ ԿԱԶՄԱԿԵՐԴՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ
ՀԱՇՎԵՏՎՈՒԹՅԱՆ**

Քաղաքացիություն՝ հասարակական կազմակերպությունների գործունեության (7)

ՀԱՍՏԱՏ-ԱՄՏ Է
Գործադիր մարմնի կողմից

ՀԱՇՎԵՏՎՈՒԹՅԱՆ

հասարակական կազմակերպության
գործունեության մասին

1. Հասարակական կազմակերպության՝				
1.1 Լրիվ անվանում				
1.2 ՀՎԲԲ				
1.3 Ձևակերպ. վայրը				
1.4 Դեղատեսակի գրանցման համարը				
1.5 Դեղատեսակի գրանցման տարին, ամիսը, ամսաթիվը				
1.6 Բնախոսը (այդ թվում՝ թշնամի)				
1.7 Դաշտոնական ինտերնետային կայքը				
1.8 Էլեկտրոնային տոստը				
2. Հասարակական կազմակերպության՝				
2.1 Անդամների թիվը				
2.2 Միջոցներից օգտված անդամների թիվը				
2.3 Կամավորների թիվը				
2.4 Միջոցներից օգտված կամավորների թիվը				
3. Իրականացված ծրագրեր՝				
ՔԲ	3.1 Ծրագրի անվանումը	3.2 Վայրը	3.3 Ծախսված գումարը	3.4 Կարգավիճակը
1.				
4. Տարեկան մուտքեր և ստացման աղբյուրներ՝				
ՔԲ	4.1 Դրամական միջոցներ, ՀՀ			4.3 Ստացման աղբյուրները
1.				
Ընդամենը				
4.2 Գույքը				
ՔԲ	4.2.1 Տեսակը		4.2.2 Արժեքը	
1.				
Ընդամենը				
5. Օգտագործված միջոցներ՝				
5.1 Դրամական միջոցներ				
5.2 Գույքը				
ՔԲ	5.2.1 Տեսակը		5.2.2 Արժեքը	
1.				
Ընդամենը				
6. Կանոնադրական նպատակների հոսանքային հոսանքային ուղղված ծախսերի չափը				
7. Նխտերի քանակը				
7.1 Ժողովի			7.2 Կոլեգիալ կառավարման այլ մարմինների	
Կից ներկայացվում է՝				
1) Անուդիտորի եզրակացություն՝		թեմա	Կցել	<input type="checkbox"/>
2) Վերստուգող մարմնի եզրակացություն՝		թեմա	Կցել	<input type="checkbox"/>
Նշումներ				
<input style="width: 100%;" type="text"/>				
Այլ փաստաթղթեր՝ <input type="checkbox"/> Կցել <input type="checkbox"/> Թ <input type="checkbox"/> Բ				

Կ Ա Ր Գ

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՇՎԵՏՎՈՒԹՅԱՆ ՕՐԻՆԱԿԵԼԻ ՁԵՎԻ ԼՐԱՑՄԱՆ

1. Հասարակական կազմակերպությունների (այսուհետև՝ Կազմակերպություն) գործունեության հաշվետվության օրինակելի ձևի (այսուհետև՝ Հաշվետվություն) «ՀԱՍՏԱՏՎԱԾ Է Գործադիր մարմնի կողմից» դաշտում նշվում է գործադիր մարմնի կողմից հաշվետվության հաստատման ամսաթիվը՝ օրացույցի օգնությամբ:

2. Հաշվետվության «ՀԱՇՎԵՏՎՈՒԹՅՈՒՆ» դաշտի առաջին մասում նշվում է հաշվետվություն ներկայացնող Կազմակերպության անվանումը՝ ինքնաշխատ եղանակով, իսկ երկրորդ մասում այն հաշվետու տարին, որի համար ներկայացվում է հաշվետվությունը՝ բացվող ցանկի օգնությամբ:

3. Հաշվետվության 1.1-1.5 կետերում համակարգի կողմից ինքնաշխատ եղանակով լրացվում են Կազմակերպության՝ լրիվ անվանումը, հարկ վճարողի հաշվառման համարը (ՀՎՀՀ), գտնվելու վայրը, պետական գրանցման համարը, տարին, ամիսը, ամսաթիվը, տվյալների անհամապատասխանության դեպքում՝ սխալներն ուղղելու հնարավորությամբ:

4. Հաշվետվության 1.6-1.8 կետերում լրացվում են Կազմակերպության՝ հեռախոսը (այդ թվում՝ բջջային), պաշտոնական ինտերնետային կայքը և էլեկտրոնային փոստը, ընդ որում 1.6 դաշտում առկա ստեղծի օգնությամբ հնարավոր է ավելացնել լրացուցիչ տողեր այլ հեռախոսահամարներ ավելացնելու նպատակով:

5. Հաշվետվության 2-րդ կետում լրացվում են հաշվետու տարվա հունվարի 1-ի դրությամբ Կազմակերպության անդամների (այդ թվում՝ կամավորների) թիվը, ինչպես

նաև հաշվետու տարվա ընթացքում հանրային միջոցների մասով կազմակերպության միջոցներից օգտված անդամների (այդ թվում՝ կամավորների) թիվը:

6. Հաշվետվության 3-րդ կետում լրացվում են հաշվետու տարվա ընթացքում Կազմակերպության կողմից հանրային միջոցներով իրականացված ծրագրերի արդյունքների մասին տեղեկատվություն՝ յուրաքանչյուր ծրագրի անվանումը և վայրը, հաշվետու տարվա ընթացքում յուրաքանչյուր ծրագրի համար ծախսված գումարի չափը և ծրագրի կարգավիճակը (ավարտված կամ ընթացքի մեջ): Մեկից ավելի ծրագրեր իրականացնելու դեպքում լրացուցիչ տողեր ավելացվում են 3-րդ կետում առկա ստեղնի միջոցով:

7. Հաշվետվության 4-րդ կետում լրացվում են հաշվետու տարվա ընթացքում ստացված հանրային դրամական միջոցները և այլ գույքը (տեսակը, արժեքը)՝ նշելով ստացման աղբյուրները: Լրացուցիչ տողեր ավելացվում են 4.1 և 4.2 կետերում առկա ստեղնի միջոցով:

8. Հաշվետվության 5-րդ կետում լրացվում են հաշվետու տարվա ընթացքում օգտագործված հանրային դրամական միջոցների չափը և այլ գույքը (տեսակը, արժեքը): Լրացուցիչ տողեր ավելացվում են 5.2 կետում առկա ստեղնի միջոցով:

9. Հաշվետվության 6-րդ կետում լրացվում է հաշվետու տարվա ընթացքում հանրային միջոցներից կանոնադրական նպատակներին ուղղված ծախսերի չափը:

10. Հաշվետվության 7-րդ կետում, այդ թվում՝ 7.1 և 7.2 ենթակետերում, լրացվում են Կազմակերպության Ժողովի և կոլեգիալ կառավարման այլ մարմինների նիստերի քանակը: Ընդ որում, հաշվետու տարում նիստեր չգումարելու դեպքում 7-րդ կետում, այդ թվում՝ 7.1 և 7.2 ենթակետերում, լրացվում է «0»:

11. Հաշվետվության «Կից ներկայացվում է» բաժնում «Կցել» ստեղնի միջոցով ընտրվում և կցվում է աուդիտորի եզրակացության ֆայլը, եթե Կազմակերպությունը հաշվետու տարվա ընթացքում հանրային միջոցներից ֆինանսավորվել է հինգ միլիոն և ավելի ՀՀ դրամի չափով և վերստուգող մարմնի եզրակացության ֆայլը, եթե Կազմակերպության կանոնադրությամբ նախատեսված է վերստուգող մարմնի կազմավորում, ինչպես նաև համապատասխանաբար նշում է կատարվում կցվող փաստաթղթերի քանակի վերաբերյալ: Կցված ֆայլը (փաստաթուղթը) հեռացվում է «Ջնջել» ստեղնի միջոցով:

12. Կազմակերպությունը հնարավորություն ունի Հաշվետվության «Նշումներ» դաշտում ավելացնելու իր գործունեության ցանկացած արդյունքի վերաբերյալ տեղեկություններ և «Կցել» ստեղնի միջոցով ընտրել և հաշվետվությանը կցել այլ նյութեր պարունակող ֆայլեր: Կցված ֆայլը հեռացվում է «Ջնջել» ստեղնի միջոցով:

13. Հաշվետվության «Հիշել ժամանակավորապես» ստեղնի միջոցով հնարավոր պահպանել լրացված տեղեկությունները՝ հետագայում դրանցում փոփոխություններ կատարելու կամ հաշվետվությունը գրանցելու նպատակով: Այս դեպքում հաշվետվությունը չի հրապարակվում:

14. Հաշվետվության «Գրանցել» ստեղնի միջոցով Կազմակերպությունը հաստատում է իր կողմից լրացված տեղեկությունները և հաշվետվությունը հրապարակվում է ՀՀ ՊԵԿ հարկային ծառայության պաշտոնական կայքում (www.taxservice.am):

15. Հաշվետվությունը համարվում է թերի, եթե չի պարունակում «Հասարակական կազմակերպությունների մասին» ՀՀ օրենքի 24-րդ հոդվածի 3-րդ մասով նախատեսված տեղեկություններից որևէ մեկը կամ պարունակում է ակնհայտ հակասություններ:

16. Հաշվետվությունը լրացվում է ՀՀ դրամով:

Կ Ա Ր Գ

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՇՎԵՏՎՈՒԹՅԱՆ ՀՐԱՊԱՐԱԿՄԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ ՆԵՐԿԱՅԱՑՄԱՆ

1. Հասարակական կազմակերպությունն իր գործունեության մասին հաշվետվությունը, իսկ աուդիտը պարտադիր լինելու դեպքում, նաև աուդիտորի եզրակացությունը, օրենքով սահմանված կարգով և ժամկետներում հրապարակում է ՀՀ ՊԵԿ հարկային ծառայության պաշտոնական կայքում (www.taxservice.am):

2. Հասարակական կազմակերպության կողմից սույն կարգի 1-ին կետում նշված հաշվետվությունը, աուդիտորի եզրակացությունը և վերստուգող մարմնի եզրակացությունը (առկայության դեպքում) սահմանված կարգով հրապարակելը համարվում է Լիազոր մարմին ներկայացում:

Հ Ի Մ Ն Ա Վ Ո Ր ՈՒ Մ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ՆԱԽԱԳԱՀԻ 2018 ԹՎԱԿԱՆԻ ՓԵՏՐՎԱՐԻ 13-Ի ԹԻՎ 59-Ն ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ՆԱԽԱԳԱՀԻ ՀՐԱՄԱՆԻ ՆԱԽԱԳԾԻ ԸՆԴՈՒՆՄԱՆ

Հրամանի նախագծի մշակումը պայմանավորված է դրա կիրառման ընթացքում և հասարակական կազմակերպություններից ստացված բազմաթիվ հարցադրումների արդյունքում ի հայտ եկած տարընթերցումները բացառելու, առկա ձևակերպումները հստակեցնելու, ինչպես նաև հաշվետվությունը էլեկտրոնային եղանակով հաշվետվությունների համար նախատեսված կայքում հրապարակելու գործընթացը կանոնակարգելու հանգամանքով: